

國

子

監

志

國子監志卷七十三

藝文志七

應

制進冊乾隆三年

高宗純皇帝臨雍禮成恭紀

頌謹序

鄂爾泰

皇帝旣措千畝。越三日

詔詣大學。所以明教養相維。用究道化也。質明行釋奠禮。禮成。

御彝倫堂。進儒臣。闡揚堯典。及中庸首章之旨。大哉
皇言。確然示人易矣。伏惟

皇上聖資天縱。聖學淵懋。緝熙光明。統於一敬。

天文丕煥。作述兼該。類皆摭寫性真。昭宣道妙。至是

親發德音。甄陶譽髦。蓋本夙夜宥密。以覺世牖民。觀聽

者萬數。靡不中心誠服。曠若發矇。信乎君師之

極軌已。臣恭際

盛典。睹穆穆於上。明明於下。於以導揚

聖德。助流教化。其何敢後。爰忭舞而系之以頌。伏候採

覽其辭曰。

皇帝御寓。疊聖重光。秉冲思默。惻惻星霜。維時三祀。格祖垂裳。總章

觀牧。東田訓毗。風宣緯序。迺紀迺綱。自天攸縱。

帝謙未遑。澄神宙始。遐睎周行。建官班政。掌璣詔王。仰

惟

三后。謀德明堂。宅京時久。詒翼丕臧。爰

命太史。蠲日位常。朕入太學。覲於羹牆。萬世之

師。迪予用康。大昕行事。其日少陽。雨霽風止。雲綬星

芒華蓋駐影。列缺超隰。龍樓早開。絳幄遙張。旗
分柳色。

輦過芹香。樂陳武德。斗運文昌。羽林夾侍。蟬冕相望。畫
拱鬱起。銀鋪略當。據圖懸極。徹瓦流黃。藜耀太
乙。璧散明璫。宗彝儼雅。

宸衷彷徨。規重矩疊。執玉捧璋。旣陳犧象。迭奏苞黃。金
絲繹繹。枸虞攸越。

天顏有穆。哲嗣來虔。奠楹屏惕。入室濟跽。禮備物志。
詔幸膠庠。國老胄子。東序西房。三雍跨漢。六館邁唐。乃

藉緋几。載啓青箱。更端問難。秉尺裁量。講壇鼓鐸。道岸梯航。橋門擁聽。

玉振勾鐸。性發孔蘊。欽聞堯章。曰中曰敬。盛德詡揚。功參元造。心納八荒。永思金鑑。時啓縹囊。六經日月。百代批糠。登山走岱。觀水滙滄。

王在在鎬。嘉言孔彰。汰華選實。擷秀滋芳。環中騰躍。露下清涼。乾端坤倪。魚泳禽翔。

天眷彌極。青祇效祥。煙籠柏翠。義停尋長。神懽人聚。軼景凌蒼。匪惟鳴鶴。叶彼翹風。匪惟遜敏。緝熙就

將宮廟臨保。雅頌成康。吉士藹藹。攸澤洋洋。維

道尊

聖維

聖翼

皇億萬斯載。立極無疆。竊比吉甫。頌以言揚。

頌謹序

福敏

臣聞至治之世。必重親師。大化之行。端由敦學。於論於樂。著美聲詩。上丁仲丁。具詳禮制。顧道統自羲軒而後。至

孔子而集厥大成。亦尊崇由漢唐以來。惟

本朝乃極其明備。蓋先聖賴

後聖而益顯。

君道因師道而彌光也。欽惟我

皇上德由天縱。學懋敏求。內聖外王。直挾尼山之蘊。上

律下龔。遙承泗水之宗。既默契其心傳。亦躬行

其要道。猶且

親揮翰墨。銀鈎表天地之功。

整飭殿廷。黃瓦煥雲霞之色。負哉尚矣。茂以加焉。乃

帝德逾光。宸衷倍切。先庚釋菜。既勤。

清蹕以躬行。大昕鼓徵。復考鴻章而歲事。時則歲行當
午。沐教已逮於三年。月令季春。合樂宜諏於初
吉。冷風載道。方旋軫於天田。朱旭啓晨。聿陳儀
於日馭。華鐘徐動。

玉輅遙臨。翼翼生徒。迎。

鸞廣術。踟踟法從。弭節樞星。

皇上乃歷東階。修北面。展牲獻帛。儼珠庭日角之式憑。
秉籥升歌。恍玉振金聲之在列。苾芬既薦。墳籍

斯陳爰

御經帷。宏敷講席。中和位育。探性道之淵微。恭讓欽明。
仰文思之光被。精研奧義。

親示

睿裁。瞻近

龍顏。如躬際帝廷之颺拜。恭聆

天語。共率循聖域之階梯。隨

輦千官。慶升堂而就日。圓橋多士。班夾陛以如雲。親肅

肅之盛儀。沛洋洋之

德意。

殊恩覃布。樂育推

先聖之心。曠典頻霑。垂裕徧羣賢之裔。信二帝三王之德。體全備於

一人。歷千秋百世而遙。疇絜隆於

今日。臣恭逢

盛事。不揣蕪陋。謹拜手稽首獻頌曰。

皇哉

聖皇。膺圖御宇。聖敬日躋。左規右矩。而布雲浮。德洋恩

溥。溥海光天。式歌且舞。一章

乃稽聖籍。於赫三宮。合衆興德。實先辟雍。乃諏吉日。乃考鼓鐘。大昕是徵。

先聖是崇。二章

龍旗載揚。鸞車載行。制倅

宸居。數仞宮牆。停鑾矩步。入室升堂。仰瞻

天表。穆穆皇皇。三章

祝啟笙鏞。籩鉶簋簠。盛服齊明。禮班弟子。如見
羹牆。如親杖几。重道尊

師振古莫比。四章

蕭光既升。雅歌既陳。

天臨講座。咨爾儒臣。敷論性道。發故啓新。稽古有訓。示

我通津。五章

濟濟諸生。僉僉胄子。外薄四海。雕題鑿齒。皇極敷言。準平車指。大哉文明。烝我髦士。六章

維

帝之德。與兩大通。維

帝之心。與千聖同。恢張至教。丕振儒風。無思不服。南北

西東。七章

文教覃敷。淳風布護。蕩蕩平平。遵我

王度。鳳翽麟遊。卿雲甘露。億萬斯年。受天之祜。八章

頌謹序

張廷玉

欽惟我

皇上以天亶之姿。懋日新之學。興道致治。文教覃敷。東

西朔南。罔不暨訖。乾隆三年春三月甲寅。

躬行視學之典。釋奠於

先師。先日致齋。百禮咸秩。大昕鼓衆。環集於橋門。

皇帝整法駕。從百官言。

詣辟雍。自大成門。

降輦而入。

升階就位。儼恪有加。奠獻既行。乃

御彝倫堂。

命儒臣進講經書。

王言昭示。廣大精微。自王公卿尹。以及六館生徒。四氏

十哲子孫。環列拱聽。莫不愉懌鼓舞。思自振勵。

以近。

天子之光。而沐

聖人之教。煌煌盛典。千載一時。臣謹案記云。古者建國君民。教學為先。言人君致治之本。必由於學也。書云。學古入官。議事以制。言人臣輔治之術。必由於學也。故說命之辭曰。念終始典於學。又曰。學於古訓。乃有獲。

孔子生知之聖。不廢敏求。用能兼綜百王。師表萬世。我

皇上聰明睿知。文武聖神。溥海內外。無不知

聖天子道德高深。超越隆古。而臣叨被

殊遇。日侍

禁廷。當深宮毓德之年。卽已備員講讀。親觀我
皇上懋勲功深。基命宥密。敬體

世宗憲皇帝明理立誠之寶訓。敦行不怠。日就月將。以
徇齊敦敏之質。而宥密單心。有非永學之士。所
能及其萬一者。是以

御極以來。敷政勤民。無非本天德而行王道。作君作師。
一以貫之。實有以接洙泗之心傳。而臻二帝三

王之治。茲當

臨雍釋菜。大典丕昭。臣幸得親隨。灌獻之末。恭承

聖誨。用敢質言所見。作為歌詩。紀述美盛。非徒襲揚。杞

之具文。竇將以昭式多士。流示無窮。臣不勝踴

躍懼忤之至。謹拜手稽首獻頌曰。

惟

皇敬學。表正自躬。文思光被。化理聿隆。風教之本。厥由

性功。緬企

先師。心源則同。其一

至矣

素王規天矩地。受命端門。斯文是寄。

列聖相承。欽崇弗替。

帝德重光。禮明樂備。其二

我我廟貌。鞏革聿新。

宸翰高懸。輝映星辰。肅將祀事。維暮之春。

鸞旗戾止。言

詣成均。其三

鸞旗央央。戟門斯啓。拜獻

登階。特牢備禮。有晬其容。有秩其禮。百爾趨跲。師師濟濟。
濟。其四

祀事既備。乃開講筵。

聖謨洋洋。如日麗天。

詔爾儒臣。是究是研。俾爾庶士。是陶是甄。其五

皇帝曰都。後先一揆。入聖之階。如塗如軌。講學敷行。適

觀厥美。凡此秀民。咸喻朕旨。其六

亶亶吾

皇。繼天立極。位育其功。欽明其德。成性存存。小心翼翼。

發為

訓辭為萬古式。其七

太和翔洽。賢俊彙升。薪之楨之。髦士用承。文治
亶敷。隆隆其興。億萬斯年。百祿是承。其八

頌謹序

方苞

蓋聞

孔子為萬世帝王師。以能開萬世之屯蒙。而道濟天
下也。自秦以後。一姓代興。規模草創。必先尊禮
至聖。以繫天下之心。繼世賢君。莫不臨雍以講學。憲

老乞言。蓋天下之民知

孔子之道。伸則萬事皆得其理。而太平之澤。將目見而身被之也。臣竊惟尊禮

至聖之實。在信其言而行其道。

孔子所以告君者。具在中庸問政之篇。我

皇上御極以來。修德體道。於九經之宏綱要旨。無一不實踐焉。故能以浹歲之間。使四海烝黎。慕義懷仁之心。勃然而興起。蓋由

聖資敦敏。好古典學。幾二十年。於

孔子之道。求之切而信之深。故本於

皇躬。達於政教者。如是其勤且篤也。用此質諸

先師。實在天之靈。所深嘉而厚望者。豈特大昕鼓徵。

為圓橋所親聽哉。乾隆三年。季春朔後一日。

皇帝躬詣太學。釋奠禮成。親講中庸之首章。堯典之首

節。蓋自邃古以來。盡性命之理。建中和之極。行

於當時。而位天地育萬物者。功莫盛於堯舜。垂

於萬世。而明大道彰至教者。德莫盛於

孔子。是乃我

皇上夙心所祈嚮。自志學之初。以及

御天之日。戒慎奉持。惟恐有須臾之離。用以上格天心。而下通民志者。故嘉與天下臣民。會歸於有極也。茲與

孔子所傳體達德。致達道。以行九經而一本於誠者。實相表裏。臣伏念臨雍之禮。舊史所書。典文俱備。詞人所述。體製各殊。炳炳乎無以尚矣。臣學燕年耄。語不能文。謹據所見。敷陳質言。特著其信而有徵者。頌曰。

昔在

孔子。賢於堯舜。匪德能優。惟功之盛。堯仁如天。一世之幸。尼山木鐸。千秋金鏡。

天祐下民。我

皇篤生。

夫子之道。逮我

皇而大亨。至仁肫肫。學與性成。秉持六經。踐以躬行。智以成仁。善繼善述。大孝之光。治殊道一。仁以生勇。心純事實。以道成身。久而不失。敬禮師傅。收

恤耆儒。一言片善。采納無虛。若逢顏孟。次或程
朱。尊德樂道。當更何如。敦敘懿親。德心普被。盪
滌宿愆。坦然無忌。羣公三事。凡百有位。推誠備
禮。豈惟祿賜。惠保烝黎。予寒予飢。憂民如疾。受
之如私。德以撫順。信以招攜。窮荒僻徼。覆幬無
遺。九經三德。

先師所傳。我

皇得之。時來御天。

先師有志。

皇寶成焉。以考以質。宜無間然。月吉辰良。

皇親釋奠。惟秉德馨。肅將嘉薦。

先聖之揆。

後聖時憲。精意所通。羹牆如見。

聖言深闊。教思孔誠。四表上下。格以欽明。中和之致。位育之微。原於性命。戒懼所成。庶官庶士。敬而聽之。惟

皇之極。卽自得師。是訓是行。

先師鑒茲。勉為貞臣。毋負

昌期。

頌謹序

陳大受

皇帝誕膺景命。統臨萬國。作之君師。以為民極。

御宇之三年。既擇元辰。藉於千畝。其三月二日。乃

詣辟雍。以表彝倫。宣教化。皇哉其盛典也。臣竊惟

至聖之道。光昭宇宙。內聖外王。渾全純備。自古以來。

所為一道德。同風俗。措天下於蕩平正直之歸。

者。胥由乎此。我

國家

列聖相承。右文敷教。超軼千古。

皇上以天縱之資。懋修典學。闡洙泗之淵源。紹尼山之統緒。先聖後聖。契若合符。前年既頒

特旨。增修

文廟。易蓋黃瓦。今春上丁展祀。備舉三獻之禮。復親灑

宸翰。昭揭

大成殿。用示欽崇。令典隆儀。有加無已。乃者大昕鼓徵。

躬釋奠於

先師。俾儒臣進講中庸堯典。

聖訓精詳。

天恩高厚。所以嘉惠多士者甚至。自王公卿尹。聖裔賢

嗣。垂紳戢弁之儒。期門羽林之士。莫不鼓舞懽

忭。仰見

皇上崇儒重道。廣勵學官。而益以知道洽政治之原也。

臣聞古者建國君民。教學為先。唐虞上庠下庠之規。直溫剛簡之訓。載在遺編。亦越姬周。鼓鐘

辟雍。訖乃聲教。時則成人有德。小子有造。其極
至於東西南北。無思不服。蓋聖天子道積厥躬。
而作人之效。如是其遠且大也。我

皇上備欽明恭遜之德。握性天道教之原。既以聖人之
修己者本諸身。卽以聖人之教人者廣諸世。故
自

臨御以來。恩普德洋。教行化洽。山陬海澨。淪浹靡遺。天
下之士。將必有懷德秉義。近文章。砥廉隅。以光
輔太平者。蓋陶淑人才。卽所以茂登上理。豈僅

如史冊所傳。圓橋之衆。三舍之規。循故事。美觀
聽而已哉。臣幸際

聖明。不勝踴躍歡欣之至。謹拜手稽首而獻頌曰。

天亶

聖哲。扶樹人綱。金聲玉振。性道文章。孰窺美富。數仞宮
牆。百王繼武。俎豆芬芳。繫惟

聖主。誕敷文德。於月之朏。於日之域。緬茲典型。遵乎憲
則。璧沼圓流。萬邦矜式。閤宮業業。黃屋是崇。

宸章炳煥。騫若蚪龍。與天地參。樞機化工。下蟠上際。道

妙允充。風氣之開。

神京伊始。霞蔚雲蒸。蟬聯鵲起。濟濟儒生。旣旣曾子。近

天子光訓行。惟是華鐘既鏗。鼙鼓斯響。

天步肅臨。寰瀛欽仰。元纁以薦。太牢以享。禮成樂備。德音載廣。有堂翼然。人倫攸叙。烝我髦士。亦集爰處。

皇帝曰俞。式聞

聖語。宏教宣風。基於庠序。民有秉彝。本乎天命。道立教

行。生安謂聖。欽明文思。平章百姓。放勳重華。後
先輝映。巍然隆範。欽哉。

訓辭。

一人作則。為萬世師。既富方穀。
躬實導之。同文共軌。六合雍熙。

詩謹序

蔣溥

臣聞建國君民。教學為先。虞夏殷周以來。膠庠
既備。典制聿詳。至於大昕視學。於樂辟廱。詩禮
之舊聞。尤盛事也。仰惟

孔子立師表之極。擅參贊之功。累代尊崇。加以隆禮。然而禮不虛行。必有其合。惟王者躬有聖德。直契心源。於是制作休明。舉行曠典。使天下嚮風而慕義。則惟

聖朝為極盛。我

皇上承乾御宇。錫類推恩。大孝格於高穹。至仁周於薄

海。加以

聖學宏深。亶聰天縱。所著樂善堂全集。日知薈說二書。

海涵地負。茹古納今。乃以

君師之合統。昭先後之同符。稽典方新。卽修

視學之禮。釋奠既畢。講席斯開。合萬國之生儒。親

一人之提訓。煌煌乎。郁郁乎。洵所謂被克文。光舜孝。軼

周雍而邁魯泮者矣。臣職叨侍從。珥筆

禁林。不揣侖陋。恭紀詩篇。以誌訓行。近光之慕。不
徒敷揚盛美云。

鑒輿曉度傍樞星。紀合

君師式典型。萬仞宮牆輝釋奠。九天雲日照橫經。先登

道岸尊

前聖獨契心源示在廷樂備禮明

恩浩蕩春流芹藻有餘馨其一

坦坦賢街接禮門升堂展敬

帝容溫叫松舞翠枝逾古駕瓦流黃制倍尊物備兩楹
車服盛爵陳三獻禮儀敦無言自有羹牆契北

面親

師對越存其二

鷹旗翠葆映霄雯午夜生徒佇大昕香霏氤氲
披

御座霞光燦爛仰

天文敷揚性命傳洙泗。尚論欽明重典墳。名理會心期

共喻。圓橋冠帶蔚如雲。其三

聖朝文治洽膠庠。更企

宸修卜運昌。三殿瑤籤垂制作。六堂寶架煥文章。淵源

早識傳心法。俎豆重看發道光。今日講帷沾

教澤。無私化雨徧遐方。其四

詩謹序

張若靄

欽惟

聖天子功隆位育。統備君師。先知覺為聖人。直聰明作
元后。大猷格被。覩誠民阜物之能。文命覃敷。昭
緯地經天之業。乾行不息。日進無疆。於緝熙單
厥心。念終始典於學。丹書綠字。每陳往訓於湯
盤。縹帙青緗。時考遺文於孔壁。

宸章璀璨。彩爛雲霞。

御集琳瑯。光昭日月。先萬方以表則。統六合以同文。念
京師為首善之區。太學實儲材之數。鼓鍾羽籥。
道備三雍。禮樂詩書。教崇四術。將化民而成俗。

必釋奠以親

師。

特敕禮臣載新

文廟。雕甍翼翼。鋪來一色泥金。文瓦鱗鱗。望去千重
赤楮。爰諏吉日。肇舉隆儀。嚴先事之致齋。定從
臣之陪列。朱旗繪日。仗列螭螭。帳幄連雲。班分
豹尾。候鯨鐘之初動。晨霞偕壁彩齊輝。瞻鳳蓋
之遙飛。瑞靄與奎光竝煥。千官扈蹕。爰來習禮
之宮。六館惟迎。共侍成賢之里。望星門而

降輦。臨大次以更衣。拾級

升階。

登堂就位。燁煌燎炬。近接文光。馥郁鑪煙。遙通道氣。夏瑚周簋。觀法物之駢羅。舜瑟軒琴。聽韶音之迭奏。舞成八佾。歌備三終。圭瓚方陳。特下

冕旒之拜。衣冠畢集。咸勤紘帛之趨。對越維誠。燕蒿畢達。乃陳

法駕言

涖費宮。開

御幄於鱣堂。進瑤編於鶴案。邇欽明之統緒。直契心源。
探性命之精微。宏宣道蘊。

王言丕著。如聞聲振之音。

帝語親傳。恍發疇圖之祕。袞衣博帶。羣瞻有道之
天顏。鼓篋橫經。共沐無私之

聖化。爰

頒寶訓。疊

降綸言。恩榮徧及於臣鄰。宴賚尤加於聖裔。濟濟鴻都
之秀。聞

鳳詔而傾心。雍雍虎觀之儔。向

龍墀而拜手。儒林誌喜。藝圃沾榮。臣學愧而牆。心希入室。夙典文章之事。稱職為難。欣依侍從之班。觀光是幸。敬呈歌詠。式效對揚。

聖德修而萬民化。知四海之從風。師道立而善人多。見八方之歸極。詩曰。

黃幄新開。萬仞崇。

鑒輿視學出齋宮。祇因百代心源合。愈覺三雍典制隆。鳳幄翠分庭柏影。鸞旗香滿沼芹風。青袍道左

爭迎拜一體

君

師教育同。其一

鑪煙漠漠霽彤墀。

翔步升堂盥獻時。已向兩楹陳俎豆。如開四壁應金絲。
畱連車服看猶昔。對越羹牆儼在茲。紅燎光中
親展禮。

天顏肅穆侍臣知。其二

合樂聲終扇影迴。儒臣先侍講堂來。綉袍黃紱

應制進冊
三
從天下。綈几牙籤對。

御開。共覩欽明光格被。久知位育道全該。尼山宗法唐虞治。竝列瑤編仰。

審裁。其三

銅街簇仗駕飛黃。

仙蹕才移畫漏長。萬國共欣瞻鳳藻。諸生新得覲

龍光。統開八百車書會。人在三千弟子行。遙見金根隨

化雨。殿槐壇杏一時芳。其四

詩

尹繼善

章天雲漢燦奎光。門啓樞星俎豆香。夾道松陰
新鬱翠。重檐鴛瓦煥離黃。其一

纔見明禋格上丁。更諏吉日薦惟馨。禮修釋奠
虔三獻。敎在親師闢六經。其二

噦噦鏘鳴建羽儀。

翠旗迎處見恬熙。欣傳

聖道昌明日。正是光華格被時。其三

宸章絢爛麗銀鈎。贊化功能洵莫儔。不是

心源相契合。馬知天地與同流。其四

無言豈獻達精誠。玉豆雕邊設兩楹。大樂從知臻善美。始終條理太和聲。其五

數仞宮牆入望中。教垂萬世仰崇隆。欲觀美富門難得。

特許儒臣助祭同。其六

黼座親繙玉笈開。一時雲物睹昭回。

睿思包盡圖書秘。不藉崆峒訪道來。其七

駿奔執豆荷

恩榮。濟濟雲初取次行。

錫賚有加踰往制。懽聲傳徧魯諸生。其八

頌謹序

汪由敦

欽惟我

皇上神明天縱。聖敬日躋。煥乎文章。光被四表。海內承
學之士。延頸企踵。喁喁向風。文治彰明。負哉尚
矣。猶

念大學為賢才之關。教化所自。粵乾隆三年春三月。
躬釋奠於

先師禮成。

御彝倫堂。儒臣進講。

皇上親渙玉音。闡明大義。維時公卿侍從之臣。以及聖賢胄裔。太學生徒。環侍竦聽者。凡數千人。咸得仰瞻

天表。親被

道德之光華。郁郁乎。煌煌乎。前史所云。辨折異同。正坐

自講。章句質疑。稱制臨決。方斯茂如矣。臣竊惟

太學之制。肇於有虞。盛於成周。而大備於

昭代我

列祖化成久道。壽考作人。教澤涵濡。至深且厚。而我
皇上躬聖人之德。明聖人之道。修聖人之教。舉有造有
德之士。鼓舞而作新之。在詩大雅曰。古之人無
穀。譽髦斯士。而其頌文王也。曰於論鼓鐘。於樂
辟廱。其頌武王。則又曰。鎬京辟廱。蓋周先王之
德澤。相繼久長。而於辟雍教學之地。復加之意
如此。棧樸作人。卷阿多士。德化之成。其所由來
若斯之遠也。且夫兢兢日行其道。舜業業日

致其孝。古聖人德加四海。未嘗不由於身教。我皇上緝熙光明。終始典學。義軒以來之統。

孔子所謂集大成者。既迪知之。復允蹈之。蘊之為盛德。施之為大業。純亦不已。道積於

聖躬。教思無窮。烝我髦士。於是恢

熙朝之隆緒。修虞庠之上儀。

德意龐鴻。

恩施溥博。傳曰。天子建中和之極。金聲而玉振之。昭景
燦。揚洪休。述考彙編。實惟

今日。臣幸覩斯盛。敬隨諸臣之後。作為頌歌。拜手稽首。以獻其詞曰。

天佑下民。若有恒性。克綏厥猷。惟

后作聖。亶亶

聖王。願謨明命。

聖德之純。立誠居敬。一章

粵若

先師。道德之宗。昭揭日月。覺悟羣蒙。于羹于牆。心源相通。有赫其儀。式是辟雍。二章

於樂辟廂。四方之極。式擴舊章。是崇光飾。宮牆
翼如。黃中正色。軒楹煥如。勝題

御墨。三章

仲月上丁。灌獻既親。載稽令典。載卜良辰。載涖
橋門。俎豆莘莘。服膺至道。執禮斯頻。四章

秩秩講筵。煌煌大義。探本天道。稽古帝治。位育
中和。欽明文思。我

皇有之。後先一致。五章

至教彰矣。至道光矣。濟濟多士。示周行矣。覃被

四海。澤無疆矣。勉勉我

皇。文德翔矣。六章

於鑠

列祖。德洽九宇。倬彼雲漢。萬物斯覩。煦之和氣。膏之甘
雨。觀文化成。超軼隆古。七章

隆古之治。我

皇承之。蹈德咏仁。髦士攸宜。

身示之教。從欲以治。於萬斯年。作君作師。八章

頌謹序

趙大鯨

欽惟

皇上膺圖御宇。協和萬邦。教化覃敷。懋致文明之治。紹

承

列聖心法。敬事

先師孔子。

特命大成殿易蓋黃瓦。

親灑宸翰。表揚至德。乾隆三年二月上丁。旣

躬親釋奠。復於季春行

視學禮。展祀

先師。肅將三獻。乃

御彝倫堂。

命儒臣進講中庸虞書。

皇上宣玉音。析道要。一時王公卿尹侍從之臣。聖裔賢孫。暨肄業成均之士。環橋門而觀聽者。四千有餘人。咸仰

聖天子重道崇儒。鼓舞譽髦之至意。莫不感激奮興。頌揚盛典。臣惟上天陰臨下民。若有恒性。必作之君師。治而教之。俾復其性。要其治之之道。惟本

乎人主之一心。虞書頌放勳之德。首言欽明。中庸詳中和位育之功。由於戒懼慎獨。惟能夙夜宥密。以單厥心。始能盡其性。以盡人之性也。夫堯舜禹湯文武之道。集大成於

孔子。

孔子之道。與天地參。不因時運為隆替。而惟尊其道者。乃有以致太平之治。我

皇上天亶聰明。功深典學。於

孔子之道。聖性得之。加聖功焉。默契於心。而推之以

治天下。使君子得聞大道之要。小人得蒙至治之澤。天下皆在光華格被之中。各率其性之本。然而不自知。用使道德一。風俗同。承累洽重熙之運。以洪億萬年丕丕基。其由是道歟。臣謹拜手稽首獻頌曰。

聖皇建極。統先億兆。示周行兮。右文稽古。尊崇

聖道。切奠牆兮。詠日具儀。釋菜行禮。鉅典光兮。圭幣肅陳。金絲迭奏。凜對越兮。以

聖契

聖精神乎合。儼昭格兮。大昕警衆。敷陳奧義。

親講席兮。思樂泮水。於論鼓鐘。大小從兮。

思覃樂育。賢關廣闢。首辟雍兮。普天率土。文命誕敷。暢

淳風兮。中和合德。金和玉節。宏綱紀兮。文思廣

運。

天章炳煥。昭光被兮。鼓篳篥業。觀摩陶淑。沐至治兮。紹

述

先猷。觀光揚烈。接心傳兮。

宸修懋勤。

聖敬日濟。惕乾乾兮。人文化成。誕膺
寶命。萬斯年兮。

賦

嵇璜

維我

皇之建極。當九五之鴻禧。齊文章於七曜。等制作於兩
儀。包君師之統緒。涵道妙之淵微。其闡揚夫
聖德者。鳳翥鸞翔之額也。其默契於

宸衷者。素符玉冊之辭也。猶

念替宗有制。釋奠有規。考環橋於史冊。追類璧於雅詩。

必

躬臨夫太學。而祇見夫

先師。乃吉日維占。隆儀式備。雲輅鳴鑾。春旗揚旆。金
根照灼。以炯晃。龍騏騰驤而沛艾。太乙執節以
先驅。虹霓修竿而繁會。晞陽交映於案中。灝氣
震越乎區外。初雷動以星馳。旣淵渟而嶽萃。萬
國之冠紱來同。九天之神明翼衛。蓋秀髦之迎。
百辟之俟者。莫不翹首而瞻。

天。趨蹌而就位也。是時

天子粹然玉潤。穆然天運。望宮牆以致欽。循樞星以徐進。旣升堂而入室。與

素王而相覲。乃擊鼙鼓。鏗鯨鐘。建樹羽。發笙鏞。千燎具舉。萬炬畢融。宿懸階下。振樂庭中。八佾舞朝華之鏡。九歌揚閭閻之風。寶鼎轉祥煙之鬱律。玉卮凝甘露之殷濃。明禋昭格。瞻拜從容。志和氣肅。德盛禮恭。信乎三爵特獻。萬瓦流黃。始足以表其崇隆也。爾乃啓絳幄。登講堂。張檢牒。發縹緗。金泥洩祕。石鼓騰光。位育中和。首參性命。

欽明文思。直接陶唐。共識聖功之浩浩。遙聞

天語之洋洋。已進儒臣之奏。還抒心得之章。闡苞符於

窈眇。析抵蘊於微茫。聚金玉於

綸綍。麗日月於中央。蓋上以繼三古之道法。而下以開

萬代之津梁。於是典禮告成。

鑒與返蹕。

九重之慶惠齊頒。四海之恩榮竝錫。褒賢推及乎雲初。

享祀維馨。其泰稷。或博士之增置。或神田之增

設。與聖證其心。與賢敷其澤。為民復其性。為士

與其德。既皇皇。喬喬。海運而天聲。復倭倭遲遲。
風和而露溢。紫微下屬於橋門。勾陳錯施於圓
璧。三才容與於元胎。萬象環拱夫皇極。協氣上
布。祥雲下積。音為樂和。形為人悅。雕題鑿齒。額
首而來賓。赤鳳白麟。應奏而舞節。倚歟曠世之
鴻典。

大聖之盛業。豈漢唐令辟。所能彷彿其萬一也哉。臣性
道初聞。精微若揭。祇切訓行。敢忘揚扆。頌曰。
太素氤氲。兆龐鴻分。

先聖立極。竝蒼穹兮。穆穆我

后。道揆同兮。祀事孔明。精誠通兮。宏開謀帳。發羣蒙兮。

爾卿爾士。盡孝忠兮。敷文四國。敦術崇兮。

景運萬年。昭淳風兮。

詩

觀保

運景維新。燦八埏兮。尊

師曠典。辟雍傳。我我松栢。丹牆近。片片琉璃。翼瓦連。

燕賀雕檐。籠淑氣。羣飛峻宇。聳晴煙。

重臨

聖闕從

丹闕繞

御經筵又講筵

紫詔從容頒鳳彩

素王統緒接蟬聯。右文直闕詩書園。論道重開禮義
田。掌舍肅儀清甸路。春官秩禮奏鴻篇。三霄露
滴聞銀箭。

九陛騰聲拂玉鞭。蓬島彩移

仙仗近。公卿衣點露華妍。菁莪共率三千士。縫掖咸

國子監志

卷七十三

藝文志七
應制進丹

三

瞻八五天。鈞樂六莖陳。管磬鐘鏞兩序扣。筵尊。
文章光被唐虞際。位育功歸性教先。薄海誦絃。
風永播。諸生鼓篋業逾專。鑪煙馥郁芸香細。
睿藻輝煌墨彩鮮。

聖學巍哉尊泰岱。

湛恩深厚沐淵源。作人已自明經術。祝鯁猶兼重養年。
有赫威儀真穆穆。無疆。

壽考正綿綿。豐京豈獨歌靈沼。彤史於今喜竝傳。